



## **De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manuscriptis Codicibvs, Qvarvm permultæ antehàc nunquàm  
in lucem prodière

Qvi ... Illas Omnes Complectitvr Historias, Qvæ Post Secvndam Sex  
Tomorvm Editionem ...

**Surius, Laurentius**

**Coloniae Agrippinae, 1586**

**VD16 ZV 1269**

XXX.

---

[urn:nbn:de:hbz:466:1-77432](https://nbn-resolving.org/urn:nbn:de:hbz:466:1-77432)

DE S. PETRO APOSTOLO.

177

Omnia capax est, incorporeumque & incircumscriptum spiritum indefessa meditatio prospectat. Hic diligitur Deus ex tota anima, id est, ex tota sapientia, qui prius ex toto corde, id est, ex dulcedine diligebatur.

Tertius gradus est amare fortiter, id est, ex omnibus viribus. Fortiter diligit, qui cum necesse fuerit, pro Salvatore fide corpus & animam tormentis exponit. Hic est fructus operis, laboris consummatio, probatio dilectionis. De gradu enim dulcedinis ad sapientiam gradum ascenderat Apostolus Petrus, cum diceret: Animam meam pono pro te. Nihil sapientius, neque fortius, quam animam meam pono pro te: nil insipientius, neque debilius, quam neque scio, neque noui quid dicas. Profecto iam diligebat dulciter, iam sapienter, sed utrumque perdidit, cum fortiter non dilexit, cum ad vocem mulierculæ Dominum & Magistrum suum celeriter abnegauit. Sed cum mori pro Christo disposuit, dilexit nimis: quia maiorem hac dilectionem nemo habet, quam ut animam suam ponat quis pro amicis suis. Affixus Cruci à fide separari non potuit. Vides ergo, quomodo tres gradus istius trinitatis legis dilectioni conueniant. Itaque amemus dulciter, sapienter, & fortiter, ut ad Magistrum Petri, Petri intercessionem peruenire valeamus, qui est benedictus in secula, Amen.

Sapienter diligit, id est, ex anima.

Tertius gradus, diligere fortiter.

Matth. 26.

Iohan. 13. Fortiter diligit, est animam pro Christo ponere.

EIVSDEM BEATI PETRI DAMIANI SERMO DE SANCTIS APOSTOLIS PETRO ET PAULO. Habetur ut supra 8. Tomo Aloysij.



Hodierna dies, dilectissimi, clara est & solemnitas, vniuersamque creaturam suo lumine sanctificat, & infundit. Non enim est ignota festiuitas, vel alicuius obscuritatis tenebris offuscata, sed ab ortu solis vsque ad occasum toti cognita mundo, ipsis etiam cælis clara luce relucens. Duo enim Apostolorum principes, Ecclesiæ luminaria, martyres summi, legis doctores, amici sponsi, oculi sponsæ, pastores gregris, mundi custodes, hodierna die cælestia regna felici martyrio conscenderunt, alter princeps regni cælorum, alter aptus ad tertium cæli: alter Iudæis prælatus, alter gentibus datus: in vita socij, confortes in morte, in corona pares, æquales in gloria, Iudices orbis, Domini cõfessores.

Sanctorum Apostolorum Petri & Pauli festiuitas, toti cõgnita mundo.

Admiranda prorsus dispositio Redemptoris, & iudicia Dei abyssus multa, cum illos Ecclesiæ suæ præfecit, qui sic criminaliter lapsi sunt, ut in peccatorum fluctibus absorberentur. Cum intueor Petrum, quem ipsa manus omnipotentis regni cælestis clauibus inuestit, cui Pater reuelat Filij maiestatem, super quem fundatur Ecclesiæ, cui potestas ligandi & soluendi conceditur, qui cælos claudit & aperit, quod Cherubin & Seraphin habere non legitur, vehementer admiror. Rursus cum reflecto oculos, & eundem Petrum video à longè sequi Saluatorem, & ad vnus ancillæ vocem detestari & iurare, Quia non noui hominem, ipsumque quem Dei Filium confessus fuerat, trepida fugatione relinquere, timore concutior, dicens mecum: Quis cognouit sensum Domini? Cum respicio Paulum spirare minas & cædes in discipulos Domini, victos ducere, damnare morti, & in corpus Ecclesiæ tota debacchatione sauire, intra memetipsum contremo, dicens: Nescit homo verum amorem an odio dignus sit. Cum respiro desuper, & video vas electionis portare nomen Christi coram gentibus, & Regibus, & filiis Israël, ad tertij cæli secreta raptari, & audire arcana verba, quæ non licet homini loqui, & in illam ipsam Trinitatem oculis figere clarios, gaudeo, dicens: Hic est vir, qui non est derelictus à Domino. Quid est, quod sic labuntur, qui præficiuntur Ecclesiæ? Sapientia sua inter disponens omnia, hæc ideo fecit, ut in seipsis prædicti Principes discerent, qualiter alijs misereri deberent.

Psal. 35.

Matth. 16.

Matth. 26. Luc. 22.

Rom. 11. Act. 9.

Eccles. 9.

2. Cor. 11.

Cuius Principes Ecclesiæ frequenter labantur.

Huius virtutem misericordiæ præfens capitulum demonstrare conatur. Isti sunt, inquit, duæ oliuæ. Digna prorsus comparatio oliuæ ad Apostolos, nec alia dignior est inuenta. Arbor enim ista semper viridis est, & illum excellentissimum olei liquorem effundit, sine quo nec regia, nec sacerdotalis constat authoritas. Oleum autem quatuor habet, supernat omnibus liquoribus, illuminat, pascit, & vngit. Cuicumque enim liquori oleum superponas, statim sibi superioris loci vendicat pote.

Apoc. 11.

Olei quatuor propter sacerdotes.

- potestatem : ita & misericordia Dei omnibus eius operibus præsertur, Psalmista testante, qui dicit : Miserationes eius super omnia opera eius. Misericors & misericors, patiens, mitis corde, & suavis vniuersis, Dominus predicatur. Est autem & iustus, sed nunquam multum iustus legitur in scriptura, sicut multum misericors. Vis videre quomodo discipuli sequuntur Dominum, & Magistrum suum? Adspice illum omnes viduæ flentes, & ostendentes tunicas & vestes, quas faciebat illis Dorcas. Circundatur multitudine pauperum Apostolorum princeps, & vocibus lachrymosis concurritur viduarum, Apostolicumque pectus irrupit clementiæ multitud. Orat Apostolus ante vultum gloriæ coram Domino maiestatis, resuscitatur mulier, & miseris redditur misericordiæ propinatrix. Hac misericordia facit Petrum ab Hierusalem in Antiochiam currere, ab Antiochia venire Romam, prædicare verbum Dei, subuenire peccatoribus, peccatis parcere, misericordiam superexaltare iudicio. Adspice & Paulum, & intellige quàm dulcioris misericordiæ cumulat benignitas totam Apostoli mentem vera compassione succenderat. Quis infirmatur, inquit, & ego non infirmor? Doleo, inquit, & lugeo super eos, qui peccauerunt & non egerunt poenitentiam. Beata anima, quæ omnium miserias suas fecerat, vt omnes lucrifaceret. Hoc affectu nauigat in Hierusalem, lapidatur, verberatur, affligitur. Indè currit ad Ephesos, Corinthios quat, circuit Colossenses, Philippenses visitat, reuertitur ad Romanos, misericordiam spargit, vbique diffundit pietatem, & celestium seminat semina gaudiorum. Certis ergo, quia sicut oleum omnibus liquoribus antecellit, sic & Apostolica pietas omnibus eorum virtutibus antefertur.
- Aff. 5.** Illuminat oleum, illuminant & Apostoli. Recole actus Apostolorum, & vide quanta luce fulgurat Apostolus Petrus. In plateis, ait Scriptura, ponebantur infirmi in lectulis, vt veniente Petro, saltem vmbra illius obumbraret quenquam illum, & liberarentur ab infirmitatibus suis. Oleum infinitum, admirabile lumen, & omni sole lucidius, ad vmbra Apostolici corporis languores fingere, discedere infirmitates, & omnem morborum instantiam inaudita velocitate fugari. An nõ copiosa luminis immensitas ab ore Petri largius exiit, cum ait claudo : In nomine Iesu Christi Nazareni, surge & ambula? Respice Paulum totum Illyricum peragrante, suscitante mortuos, subuertente templa Deorum, & in splendore huius lucis totius orbis illuminare circuitum. Currit Paulus, & potenti virtute sermonum illuminat quæ in tenebris sunt, clarus sermone, opere clarior, miraculorum coruscatione clarissimus. Habere, inquit, formam vestram, & attendite nõ solum quæ audistis, sed & quæ vidistis in me. Bonus & perfectus magister, qui fidem facit verbis opere meliori. In huius lucis clarissima serenitate illuxerunt coruscationes tuæ Deus, orbi terræ. Commota est, & contremuit terra ad vocem Apostolorum, cum in omnem terram sonus eorum exiit.
- Item tertia proprietatis Iohan. 21.** Oleum pascit, pascunt & Apostoli. Epistola Petri, & sublimis illa sermonum doctrina, nunquid non mirabiliter pascit Ecclesiam Dei? Audi quid Saluator de hac ipsa passione dicat ei : Pasce, inquit tertio, oves meas. Pasce verbo, pasce exemplo, pasce oratione. Pasce verbo, vt potens sis exhortari in doctrina sana, & eos, qui contradicunt, arguere : pasce exemplo, vt quod prædicas voce, opere compleas : pasce oratione, vt pro illis intercedas, quorum anima tibi commissa est. Vas electionis Paulus Apostolus, vide quomodo pascit populum Dei diuersorum varietate factorum. Lac, inquit, potum dedi vobis, non escam : perfectorum autem solidus cibus est eorum, qui pro exercitatione consummatos habent sensus. Et alibi : Facti estis, quibus lacte opus sit, non solido cibo. & iterum : Sapientiam loquimur inter perfectos. Vides quomodo se contemperat & conformat, illos sublimi, hos tenera imbuens doctrina.
- Item quarta proprietatis 1. Pet. 2.** Vngit oleum, vngunt & Apostoli. An non Petrus Apostolus vngit omnes, cum dicit : Vos autem genus electum, regale sacerdotium, gens sancta, populus acquisitio, & virtutes annuncietis eius, qui de tenebris nos vocauit in admirabile lumen suum? Paulus enim ipse nonne præcepit dicens : Si præoccupatus fuerit homo in aliquo delicto, vos qui spirituales estis, instruite huiusmodi in spiritu lenitatis? Oliua semper est viridis, nec frigoris immensitate percutitur : ita & Apostolorum fides inconcussa perdurat, nec vnquam tyrannica rabie potuit superari : & si impulsus est.

SURIUS

g. bar  
Nover  
EVIII  
5

fus est Petrus vt caderet, non tamen cecidit, quia Dominus suscepit eum. Stupefactus quidem ad momentum habet Apostolus, sed statim in virtute fidei redijt, quia respiciente Domino, fleuit amare: & si ad tempus concussus est, non tamen deijci potuit: quia scientia veritatis cassari non poterat, dicens: Ego pro te rogavi, Petre, vt non deficiat fides tua. Hodierna enim die crucifigitur Petrus, Paulus gladiatur, & vitam ponunt pro fide Christi, vt non deficiat fides Christi. Isti sunt ergo duo viri oliuæ, viri habentes fidem, illuminantes patriam, pascentes Ecclesiam, peccato- res vngentes. Quod igitur scriptura hæc dicit: Isti sunt duæ oliuæ: alibi planius aperit, dicens: Hi sunt viri misericordia.

Luc. 22  
Ibidem

Apoc. 11  
Esa. 57.

Sequitur: Et duo candelabra lucentia ante Dominum. Candelabrum tribus pedibus innititur, & in altiora consurgens cereum superportat, vt qui ingrediuntur, lumen videant. ita & Apostoli tribus virtutibus innitentes, operatione, prædicatione, miraculorum coruscatione, lumen verum Dominum Iesum Christum ingredientibus ad fidem tota claritate monstrant. Et attendendum quod dicit, Ante Dominum. Hypocritæ etenim lucent, non ante Dominum, sed ante mundum, vt videantur ab hominibus. Apostoli verò luxerunt ante Dominum, sed non ante mundum, quia iudicia & verbera experti, diuinæ maiestati solummodo placere studuerunt. Quod ipsi sint duæ oliuæ, & duo candelabra lucentia, & ante Dominum, Zacharias Propheta manifestè his verbis innuit, dicens: Isti sunt duo filij olei splendoris, qui assistunt Dominatori vniuersæ terræ. Sunt etenim filij olei, quia viri sunt misericordiæ: sunt & splendoris, quia sunt candelabra lucentia: lucent ante Dominum, quia assistunt Dominatori vniuersæ terræ. Sequitur: Habent potestatem claudere cælum nubibus. Serenitas cæli nubibus impeditur, nè videatur, & diuinitatis contemplatio peccatis nostris clauditur, nè videatur Deus, Propheta testante, qui dicit: Opposuiti nubem, nè transeat oratio. Nubes opponitur nè oratio transeat, cum peccata nostra separant inter nos & Deum. Habent potestatem claudere cælum nubibus, id est peccatoribus, & portas eius fidelibus aperire. Mira res, & omnino stupore dignissima, ad hominum linguam claudi & aperiri cælestium palatia mansionum. Amen.

SS Aposto-  
li duob. cā-  
delabris cō-  
parantur.

Hypocrite  
cui luceat.

Zach. 4.

Thren. 4.  
Egregia hui-  
us loci ex-  
positio.

# IULIUS.

VITA S. RVMOLDI ARCHIEPISCOPI ET MARTYRIS, EDITA A VENERABILI VIRO  
*Domino Theodorico Abbate monasterij sancti Trudonis, & in eius festo pro concione, vt apparet, recitata.*

**T**RIVMPHALE & gloria Christianorum, miracula sunt & virtutes Sanctorum, quæ quo latius propagantur, eo & boni in Domino gloriantur, & mali erubescunt & cruciantur. Hoc insigne ab illa Crucis arbore natum est, in qua cum vita mortem triumphasset, & velut irrigata fecundissimo aquæ & sanguinis imbre statim extendit ramos suos à mari vsque ad mare: eosque flores edidit, quorum fructus & suauissimus sapor orbis terræ sinum impleuit. Nouit hoc ab Ortu Aegyptus & India, ab Occasu alter penè orbis Britannia cum adiacente Scotia: qui statim vt ab illius æternitatis sole tacti sunt, illi sub vmbra eius quem desiderabant requiescere, isti ad ardorem vsq; martyrij festinauerunt incalescere, & stridentia anhelantiaque verba in dulce Crucis melos didicerunt infringere. Vnde autem hoc tam latè diffusum germinariis, nisi quia in eorum cordibus coaluerunt Iesu Christi amor & desiderium? Assentit in hoc Herbiopolis gloriosa martyris Kiliani meritis & corpore, nec minus prona Scoto.

Iulij. 14  
Cap. 2.

Scoti Christi  
sui annuntiant.  
S. Kilianus  
Scoto.